

Landesbibliothek Oldenburg

Digitalisierung von Drucken

**Bibliotheca Smithiana, Seu Catalogus Librorum D. Josephi
Smithii Angli Per Cognomina Authorum Dispositus**

Pasquali, Giovanni Battista

Venetiis, 1755


Antistiti Perusino jo. Alex. VI. Pontif. Max.

urn:nbn:de:gbv:45:1-844

quando eodem lunarum numero pari sub quinis zonis in omni orbe terrarum potestate æquare. Hoc tibi nostra hæc dicatio auguratur: hoc illa tua animi magnitudo & excellentia: In rebus gerendis, librandis, decernendis summa moderatio & sapientia promittunt. Ego immortalem Deum precor ut hæc nos desyderia non fallant. Vale, atque augurium accipe.

A D E U N D E M.

Accipe quanta Pii fuerit Lunate secundi
 Gloria: qui vitæ splendor in urbe fuit.
 Hunc tu Pontifices dices superasse priores
 Moribus: ingenio: religionem: fide.
 Nec minus hunc cunctis præstare fatebere priscis
 Gestorum numero viribus: ore: pede.
 Tunc habuit veteres in quo confunderet ætas:
 Uni cesserunt sæcula cuncta Pio.
 Edere ne similem posset natura creavit.
 Vel si quem voluit: tu modo factus eris.



[1] ANTISTITI PERUSINO [2] JO. ALEX. VI.
 PONTIF. MAX.

Datario optimo, perenni memoriæ, & immortalis gloriæ dicavit
 MICHAEL FERNUS MEDIOLANENS.

NON parva est gloria, PATER REVERENDISS., ei Urbi cum Principi dominari contingit: unde aliquando viri clarissimi: bello: paceque: domi: militiæ prodire. Communisque prope est cum Principe civium etiam demortuorum splendor & gestorum fama: sicut ea gloria etiam nostra censetur: & nobilitas quam ex gente nostra maiorum aliqui peperere: Inter opera, quæ præstantissimum illud Campani Episcopi postea Aprutini ingenium procudit: quæ ego edenda meo summo labore: studio bonorum litteratorum suscepi: celebratissima habetur Brachiana historia: utpote in qua is omnes eloquentiæ nervos qui totus sublimis & excelsus in omni scriptorum genere fuerat: Iam cum iunior, intendit: Ut plane doctissimus quisque fateatur nihil ab annis mille citra scriptum maiori gratia: seu stili maiestate quadam & elegantia: seu luce: fide historiæ: & rerum gestarum dignitate & magnificentia. In qua re unius Brachii, cuius olim & Principis huius tuæ inclytæ urbis: cui Pontificem tua te præstantissima virtus nulla suffragiorum mendicatione: propriis virtutum comitiis suffecit complexus, visus est mihi Q. Curtium imitatum esse: Qui unius Alexandri Macedonis vitam:

[1] Libris *sex de Vita & Gestis Brachii Perusini* hanc Fernus præmisit Epistolam.

[2] *Joannes Lopez* Valentinus Hispanus, Patris Alexandri VI. Datarius: Episcopus Perusinus ab eodem Pontifice renunciatus, Anno

1492, pauloque post creatus est Presbyter Cardinalis Sanctæ Mariæ Transyberim, vulgoque appellatus Cardinalis Perusinus. *Ughell. Ita l. Sacr. Tom. I. pag. 79.*

vitam: bella: gesta: victorias: consilia: dicta: facta, complexus fuit: nisi quæ cum par illi semper incedat: præcellit interdum, nunquam deficiat. Et hæc gratior esse perenniorque potest historia, quæ integra extat: illa plurima sui parte deperiit. Et Campanus in concionibus, ubi historiæ vis tota desudat vehementior. Vividius penetrat: urget impensius: suadet dissuadetque velocius; in proponendo varior: irritando asperior: sedando & dissolvendo aptior & facilior. Summus in delectando: ubique docet: ubique delectat: ubique afficit; semper alacris, gravis & magnificus: splendore verborum, & sententiarum gravitate ubique admirabilis. Ut cum nec Curtius quicquam, quod in historia expeti possit in commendando uno Alexandro posthabuerit: facile tamen deprehendas interesse plurimum Italo & Barbaro. Et gloriæ Brachii nihil defuisse: nisi quæ illis præcis sæculis nasci non contigit. Quibus cum multi certare gloria cum Alexandro perhibeantur: rerum gestarum magnitudine: fœlicitate & successu, pauci etiam anteponantur: Brachius quidem: & is aliquanto etiam intervallo anteponi potuisset: qui nec maiori militum numero pauciores pugnas obivit: nec minoribus cum regibus præliatus tenuiores copias fudit delevitque: ubi hoc ad gloriam accedit, quæ in media Italia cum res bellica floreret pugnacissimos contra Imperatores semper victor extitit: victus nisi in morte unquam fuit. Hanc ego tanti Principis historiam cui dicarem, dubium me plura diu detinere. Et erant tam magnifica gesta Principi dicanda: & cui dicanda integrum non erant. Tua religio: Tua sanctissima vita a sanguine: & bellico fremitu aliena, tam natura quam moribus & vitæ instituto, Pium aliquid ex adytis divorum: & de sacris penetralibus exposcebant. Vicit me gloriæ cupiditas tuæ: expugnavit illa ipsa in te tuamque Perusinam urbem disciplinarum altricem devotio. Quasi nefarium me piaculum committere sentirem, nisi quod unum non multis ante sæculis florenti illi & Imperio maximæ affulsit: afflictæ jam & factionibus detrita urbi lumen intra Principes suos continerem. Et iocundiorum sub tuo numine civibus tuis magnanimi olim Principis sui lectionem redderem, Teque hac immortalitate cui semper labores omnes meos: fortunas: sanguinem: vitam devotas habui apud cives tuos condonavem. Fuere etiam complura, quæ me in hanc sententiam & allexerunt alia & confirmarunt: Nam si paulo accuratius poteris hanc historiam percurrere, fuit hic genti tuæ deditissimus, ut pro his asperrima bella gesserit: & denique pro illorum Imperio stabiliendo opes: sanguinem: vitam non voverit modo; sed vel etiam effundere non parserit: Quotus enim nationis tuæ hunc non summa veneratione: ne te modo dicam non prosequitur quo constat Alfonso Aragonensium regum, qui unquam in Italia regnarint pace belloque clarissimum: cuius nepotem alterum Alfonso; atque alterum Ferdinandum pronepotem hoc anno tantis vestris periculis adversus Gallorum tempestatem defendere adnixi patrio quodam studio estis; chariorem neminem habuisse. Et cui maiori fide se: exercitum: imperium: fortunas: vitam denique ipsam cognovimus commississe. Huius illi virtute in regnum appulit: huius industria vigiliis: labore: studio pacatissimo regno potitus. In hunc unum cum sanguineas acies cruentus Mars concitaret, cum non tam de Imperio, quam de salute & vita dimicaretur securus quiescebat: hunc in regiam stirpem ascivit: huic Capuanum principatum tradidit, & præclaris & immortalibus beneficiis affecit. Porro cui non iocundum & plenum summæ voluptatis non esset illas Thebas: Athenas: Megaras: illam Corynthum: Lacedæmonem: Baby-

m m

loniam:



Ioniam : Macedoniam : Novo Principi perlustrare ; & pro religione quadam suspenso pede tantorum memoria ducum peragrarè , & quærere qua in Urbis parte ille Epaminundas : ille Agesilaus : ille Alcibiades : ille Themistocles : ille Cyrrhus : ille Alexander vivi confedissent ; quo in loco Senatus haberetur : illi effigiatos : illi exactissimæ naturæ expressores diversarentur . Sentio jam mecum illam mirificam cordis titillationem , solidamque delectationem . Hanc historiam cum legeris , quotiens aut negotium eo te postulabit ; aut secedendi voluptas alliciet : Ubi illos Bartolos : illos Baldos : illos Angelos : illa legum serinia , & Jurisconsultorum uberrima pectora : gymnasium omne evolveris : Accademiam omnem percensueris : Ubi angusta mœnia perlustraveris : Fidem Perusinarum robur & vetustatem contemplantus eris . Quæres postremo , nisi quod magis autumo in primis ubi illa alta Balionum domus , in qua tam celebre Brachio insonuit præconium : ubi felix illa tellus quæ Brachium ipsum tantum Imperatorem sustinuit : Quibus altus in aribus , quo sub tecto tanti Principis vita peracta . Aderunt cani senes qui a progenitoribus fide integra hauserint omnia : recensentur stupido tibi angustias Imperii Perusini auctas , & unius huius virtute consilio & robore amplificatas . Quæ tibi expressior , quæ optatior poterit contingere voluptas ? Ego tibi semper nescio quo fydere propensissimus fui : te colui : te Numinis instar habui observavi . Cum hæc mecum cogitasset non potui equidem hanc non historiam , ex qua tantam concepturus esses cum tuæ gloriæ recognitione delectationem : parvum quidem munus ; sed quo nihil inops , qui sola virtute nitatur præstare , maius possit dedicare . Tu cuius ingenium unicum est , quo totus obstupeat orbis : qui nunquam rerum magnitudine , sicut nec ille quidem Brachius olim , frangeris : si non bella : sanguinem : cædes bellicosissimi Ducis probabis : Ingenium tamen illud Campani nostri proditum ad lumen & gloriam sæculorum nostrorum , qua soles præclara omnia charitate complectere . Cerne saltem quibus præesse te dederit viris : cui , & quam gloriosæ civitati Deus . Et cum per ocium leges tui additissimi Mancipii Michaelis , qui in te totus vivit didiceris memor esse . Vale .

A D E U N D E M .

Desine mirari veterum jam denique pompas :

Fortunas : animos : prælia clara Ducum .

Non minor en nostris virtus & gloria : par est

Pectoris ingenium : corpore robur idem .

Quantus Alexander : quantus vel Cæsar in orbe :

Tantus & in Latio Brachius iste fuit .

Non contra reges : populi : non Roma , nec urbes :

Vix contra soli prævalere dei .

Inviçtus semper prostravit cuncta : nec uni

Francisco puduit succubuisse Duci .

Ille viros inter nostros : mortalia certe

Inter nec fuerat corpora : Divus erat .

Aspice sed quanto nitidus splendore peregit

Noster Campanus : qua quoque cuncta fide ,

Audio cum divina fuit (sic) facundia dices

Historiæ cunctas hic habet unus opes .